



e-bilten

OPĆINA TEŠANJ

www.opcina-tesanj.ba

e-mail: optesanj@bih.net.ba

Ponedjeljak 17.05.2010

Broj 30

Aktuelnosti

1. ADS – prijem u državnu službu
2. Javne ustanove i preduzeća
3. 09. maj – Dan pobjede nad fašizmom

Ukoliko želite da se prijavite za primanje ovog biltena možete to učiniti tako što ćete poslati e-mail na sljedeću adresu:

fuad.sisic@opcina-tesanj.ba

Molimo vas da ovaj elektronski bilten prosljedite svim zainteresiranim u našoj općini.

Ukoliko želite da objavite neke od vaših novosti, iskoristite elektronski bilten općinskog načelnika, koji je brz, efikasan i besplatan način komuniciranja sa javnošću.

Sa zadovoljstvom očekujem vaše komentare, sugestije i primjedbe.

Molim da ne prinatate ovaj sadržaj. Za svaki nepotrebno odštampan papir mora se bez potrebe oboriti drvo koje raste!

ADS

Federacija Bosne i Hercegovine
Agencija za državnu službu
Федерација Босне и Херцеговина
Агенција за државну службу
Federation of Bosnia and Herzegovina
Public Service Agency

Integritet - Uslužnost - Efikasnost

ADS – prijem u državnu službu

Procedura dodatno ojačana

Agencija za državnu službu je državna institucija Bosne i Hercegovine zadužena da osigura realizaciju procesa zapošljavanja državnih službenika na zahtjev institucija; da pomaže institucijama u realizaciji njihove kadrovske politike, organizacionog razvoja kao i pri uspostavljanju jedinstvenog informacionog sistema za upravljanje ljudskim resursima u institucijama BiH (HRMIS); osigurava obuku i razvoj državne službe; te obavlja i druge poslove i zadatke utvrđene Zakonom o državnoj službi u institucijama Bosne i Hercegovine.

Koji su stvarni efekti rada Agencije ne mogu komentarisati, vjerujem da nadležni u Agenciji imaju odgovarajuće analize, ali želim ipak istaći jednu neuravnoteženost cijelog postupka. Na primjer, kada općina treba da uposli novog službenika, odlučujući uticaj na to ko će biti novi uposlenik nemaju općinski načelnici, nemaju općine uopće, nego Agencija za državnu službu. Ova konstatacija nije optužba na Agenciju, nego pitanje za preispitivanje propisa. Sasvim je razumljivo i potrebno da Agencija za državnu službu, kao kompetentna i stručna ustanova ima uticaj na proces prijema državnih službenika.

Procedura bi trebala biti pojednostavljena a principi zadržani. Sada prijavljeni kandidati, oni koji ispunjavaju uslove javnog konkursa, polažu pismeni ispit. Pitanja sastavlja pet članova komisije (2 člana iz općina, 3 ispred Agencije) na licu mjesta, zajednički sastave 22 pitanja od čega se kompjuterski izvlači 10 i daje kao pismeni ispit svim kandidatima. Ovim pitanjima se provjerava poznavanje državne uprave. Kandidati koji prikupe najmanje 70 bodova (70%) stižu pravo na usmeni ispit, ostali otpadaju iz dalje procedure. Na usmenom članovi komisije utvrđuju zajednički ista pitanja za sve kandidate iz područja poznavanja radnog mjesta za koji je konkurs raspisan, kao i pitanja vezane za vrijednosti (vezano za komuni-



kaciju sa drugim ljudima) koji kandidat sa sobom nosi. Članovi komisije odvojeno boduju svakog kandidata, i po završetku intervjua predaju ocjene administratoru. Ovaj obrađuje ocjene sa pismenog i usmenog, podijeli sa dva i dolazi se do rang liste kandidata. Općinski načelnik daje saglasnost na okončanje procesa, iako je nepoznato u kojim slučajevima može odbiti dati saglasnost. Slijedi zvaničan stav Agencije, i tehnički posao donošenja rješenja o prijemu od strane općinskih načelnika.

Dakle, procedura sadrži fer principe, ali odlučujuća uloga općina, preko članova komisije koje delegira, ne postoji. Istovremeno, za rad općinskih administracija su odgovorni općinski načelnici a ne Agencija za državnu službu. Ako se tome doda druga strana priče, to da u slučaju kada neki službenik ne ispunjava svoje obaveze i ne dostiže ciljeve, da se formira disciplinska komisija u kojoj je opet od tri člana, dva ispred Agencije za državnu službu, postaje sasvim jasno koliko je važno da se propisi u ovoj oblasti revidiraju. Savez općina i gradova FBiH je pokrenuo ovo pitanje prema parlamentarnoj skupštini Federacije BiH.

JAVNE USTANOVE I PREDUZEĆA

Iskustvo je iznalaženje kraćeg puta poslije dužeg lutanja

OPĆINA TEŠANJ

JAVNE USTANOVE

OPĆA BOLNICA

DOM ZDRAVLJA

CENTAR ZA
SOCIJALNI RAD

CENTAR ZA KIO

BIBLIOTEKA

SPORTSKA
DVORANA

APOTEKA

MUZEJ

JAVNA PREDUZEĆA

KP "RAD"

TOPLANA

VETERINARSKA
STANICA

TRA - TEŠANJSKA
RAZVOJNA
AGENCIJA

Općina Tešanj ima osam ustanova i četiri javna preduzeća, od kojih su novoformirani Agencija za razvoj i Muzej. Ustanove i preduzeća imaju svoju svrhu postojanja, svoje upravne/nadzorne odbore, i svoja rukovodstva. Razlike unutar pojedinih ustanova i preduzeća su veoma velike, kako po obimu posla tako i po unutrašnjoj strukturi, ali broju korisnika njihovih usluga. Općina Tešanj, kao osnivač, ostvaruje (ili može ostvarivati) posredan uticaj putem lokalnih organa vlasti: općinskog vijeća i općinskog načelnika. Zakonski propisi se mijenjaju i zahtjevaju prilagođavanje, ne samo ustanova i preduzeća kao pravnih subje-



JAVNE USTANOVE: 1. Opća bolnica: Rifet Sejdinović, direktor Salih Mešić, predsjednik UO-a 2. Dom zdravlja Enes Hundur, direktor Venan Hadžiselimović, predsjednik UO-a 3. Apoteka "Tefarm" Zahida Binakaj, direktor Smajl Jabandžić, predsjednik UO-a 4. Centar za socijalni rad Sabrija Kavazović, direktor Sakib Kurtić, predsjednik UO-a 5. Centar za KiO Amir Brka, direktor Husein Galijašević, predsjednik UO-a 6. Biblioteka Esmir Bašić, direktor Bernadeta Galijašević, predsjednik UO-a 7. Muzej Jasmin Mandžukić, direktor Sakib Plančić, predsjednik UO-a 8. Sportska dvorana Emina Ajanović, direktor Mujo Brka, predsjednik UO-a	kata nego i općina kao osnivača. U oblasti zdravstvene zaštite Općina Tešanj ima tri ustanove: Opća bolnica, Dom zdravlja i Apoteka. Finansiranje ovih ustanova je putem Fonda zdravstvene zaštite sa nivoa ZDK kao i kapitalne investicije u okvirima mogućnosti, zatim Budžet ZDK putem resornog ministarstva isto tako izdvaja za kapitalne investicije prema raspoloživim sredstvima, i na kraju se i lokalni budžet simoblično uključuje u tu podršku. Apoteka posluje na tržišnim principima, i glavni je snabdijevač Opće bolnice i Doma zdravlja sa lijekovima za njihove potrebe. Apoteka će ići u privatizaciju. U oblasti socijalne zaštite je ustanova Centar za socijalni rad, čiji rad se finansira iz općinskog budžeta kao i dio socijalnih davanja. Socijalna izdvajanja su dominantna iz Budžeta ZDK koja se realiziraju putem Centra, kao što Centar servisira rad po rješenjima resornog federalnog ministarstva. U oblasti kulture i hiostorijskog nasljeđa imamo: Centar za KiO, Biblioteku i novoformirani Muzej. Centar za KiO se finansira iz općinskog buždeta (dobar dio aktivnosti i donacijama) kao i manjim grantovima za određene događaje sa kantonalnog nivoa. Biblioteka se finansira sa kantonalnog nivoa, a skromnu podršku lokalnog budžeta dobiva za kupovinu knjiga i obogaćivanje knjižnog fonda. Muzej se u ovoj godini finansira većim dijelom iz lokalnog budžeta, ali bi do kraja godine i dalje trebao prijeći na finansiranje sa kantonalnog nivoa. Sportska dvorana upravlja dvoranom pored srednjoškolskog centra, i terenima oko ovog objekta, uključujući njihovu dalju izgradnju. Na staranju ovom subjektu je bila i fiskulturna dvorana „Partizan“, koja je porušena ali nakon izgradnje novog objekta, isti će biti na upravljanju ovoj ustanovi. Sportska dvorana posluje tržišno. U oblasti komunalne infrastukture su dva javna preduzeća: KP „RAD“, odgovorno za vodosnabdijevanje, kanalizaciju i prikupljanje smeća (čistoću uopće), te JP „Toplana“ zadužena za proizvodnju i distribuciju toplotne energije. Veterinarska stanica se priprema za početak procesa privatizacije. Agencija za razvoj je utemeljena krajem protekle godine, i trebala bi da preuzme ulogu izrade projekata prema donatorskim izvorima za ključne infrastrukturne probleme, prije svega za izvore EU. Istovremeno, Agencija treba da bude servis privredi i poljoprivredi u iznalaženju partnera – investitora, kao i podrške za razvoj novog biznisa. Složenost strukture vlasti, različitih nadležnosti i ovlaštenja, kontradistinkcija a nekada i kontradiktornost različitih zakonskih propisa, zahtjeva punu fleksibilnost i međusobno razumijevanje lokalnih organa vlasti kako bi se postigla sinergija, te ustanove i preduzeća usmjerila na najbolji način kako bi građani i zajednica dobili najviše u ovakvim okolnostima. Tražiti detalje u poslovnim odlukama, detalje u alociranju troškova kroz analitičke kartice, ne samo da se suštinski ne pomaže ustanovama i preduzećima, nego se organ koji to zahtjeva pretvara u kontrolni, revizorski organ na laičkoj – nestručnoj ravni, čime se šalje poruka nepovjerenja prema ustanovama i preduzećima. To neće riješiti nijedan problem koji
JAVNA PREDUZEĆA: 1. KP "RAD" Izudin Alić, direktor Anis Mehinović, predsjednik NO-a 2. JP "Toplana" Sejdo Plančić, direktor Hasib Alić, predsjednik NO-a 3. Veterinarska stanica Izudin Ibrahimpašić, direktor Senad Ahmić, predsjednik Noa 4. Agencija za razvoj Hilmo Perčo, direktor Muharem Saračević, predsjednik NO-a	



imamo, nego će pored postojećih proizvesti nove. Nadati se da će izabrani predstavnici „stati na loptu“, i početi djelovati iz pozicije dužnosti koju su u društvu prihvatili, a ne iz pozicije jednokratnih stranačkih koristi, sumjni i sujeta, ličnih stavova i animoziteta. Najveći doprinos svakog izabranog dužnosnika nije u tome da radi tuđi posao, nego da najbolje uredi svoj posao.

09. MAJ – DAN POBJEDE NAD FAŠIZMOM

Iskustvo je iznalaženje kraćeg puta poslije dužeg iskustva

Kad je Crvena armija, maja 1945, slavodobitno umarširala u Berlin i time označila konačan krah Hitlerovih snova u nadmoćnosti arijevske rase, u Evropi je započelo jedno novo, mirno, razdoblje. Nekoliko dana kasnije, 9. maja, njemački feldmaršal, Vilham Kajtel, potpisuju bezrezervnu kapitulaciju Njemačke što i predstavlja akt kojim je na evropskom tlu konačno poražena fašistička ideologija. Nažalost, zaboravljanjem tekovina antifašizma i antifašističke borbe, fašizmu je dat prostor za predah koji je on iskoristio da se vrati na području Bivše Jugoslavije u još gore i težem obliku.

Danas, 65 godina nakon uspostave mira u Evropi, a 15 godina od genocida u Srebrenici, u srcu same Evrope suočavamo se sa tužnom je činjenicom da Evropa ne pokazuje spremnost da upotrijebi svoju političku snagu u Bosni i Hercegovini, i demonstrira dosljednost u borbi protiv fašizma.



ČESTITKE



DAN POBJEDE NAD FAŠIZMOM 09. MAJ



tešanj
je meni

jedna vrlo mala scena
mes cijele jedne bosne
haiku grad levhali veduta
brand za neki veći i ljepši svijet
i za bolju i duševniju mekšu
okolice...

Tahir Mujičić

Općinski načelnik
Fuad Šišić

